

卷上

大唐三藏取經詩話上

第一

行程遇猴行者處第二

僧行旅人，當日起行。法師語曰：「今往西天，程途百

萬，各人謹慎。」小師應諾。行經一國已來，偶於一日

午時，見一白衣秀才從正東而來，便揖和尚：「萬福

！和尚今往何處？莫不是再往西天取經否？」法

經詩話上

一

書名 大唐三藏取經詩話三卷 民國十四年上海商務印書館排印
本；民國二十四年國難後再版本
撰者 宋 闕名 撰，黎烈文 標點
卷 卷上
內容分類 集-小說-章回小說-靈怪
索書號 雙紅堂-小說-2
編號 D8672500

[彩色首頁1](#)

[東洋文化研究所漢籍目錄 編號: D8672500](#)

[東洋文化研究所漢籍目錄所屬漢籍善本文影像資料庫 索書號: 雙紅堂-小說-2](#)

[漢籍善本文影像資料庫文本大唐三藏取經詩話三卷 民國十四年上海商務印書館排印本；民國二十四年國難後再版本](#)

[版權所有 東京大學 東洋文化研究所 使用上的注意事項](#)



大唐三藏取經詩話目錄

經過女人國處第十……………九

入王母池之處第十一……………十五

入沉香國處第十二……………二十

入波羅國處第十三……………二十一

下

入優鉢羅國處第十四……………一

入竺國度海之處第十五……………二

轉至香林寺受心經本第十六……………八

到陝西王長者妻殺兒處第十七……………十一

• • •

王國維跋……………一

羅振玉跋……………五

大唐三藏取經詩話上

第一

行程遇猴行者處第二

僧行六人，當日起行。法師語曰：「今往西天，程途百萬，各人謹慎。」小師應諾。行經一國已來，偶於一日午時，見一白衣秀才從正東而來，便揖和尚：「萬福！萬福！和尚今往何處？莫不是再往西天取經否？」法

師合掌曰：『貧僧奉勅，爲東土衆生未有佛教，是取經也。』秀才曰：『和尚生前兩迴去取經，中路遭難；此迴若去，千死萬死。』法師云：『你如何得知？』秀才曰：『我不是別人，我是花果山紫雲洞八萬四千銅頭鐵額獼猴王。我今來助和尚取經，此去百萬程途，經過三十六國，多有禍難之處。』法師應曰：『果得如此，三世有緣。東土衆生，獲大利益，當便改呼爲猴行者。』僧行七人，次日同行，左右伏事。猴行者乃留詩

曰：

百萬程途向那邊，今來佐助大師前。
一心祝願逢真教，同往西天雞足山。

三藏法師詩答曰：

此日前生有宿緣，今朝果遇大明賢。
前途若到妖魔處，望顯神通鎮佛前。

入大梵天王宮第三

法師行程湯水之次，問猴行者曰：『汝年幾歲？』行者

答曰：「九度見黃河清。」法師不覺失笑，大生怪疑。遂曰：「汝年尚少，何得妄語？」行者曰：「我年紀小，歷過世代萬千，知得法師前生兩迴去西天取經，途中遇害。法師曾知兩迴死處無？」師曰：「不知。」行者曰：「和尚蓋緣當日佛法未全，道緣未滿，致見如此。」法師曰：「汝若是九度見黃河清，曾知天上地府事否？」行者答曰：「何有不知？」法師問曰：「天上今日有甚事？」行者曰：「今日北方毗沙門大梵天王水晶宮設齋。」法師

曰：「借汝威光，同往赴齋否？」行者教令僧行閉目；行者作法。良久之間，纔始開眼，僧行七人，都在北方大梵天王宮了。且見香花千座，齋果萬種，鼓樂嘹唳，木魚高掛，五百羅漢，眉垂口伴，都會宮中諸佛演法。偶然一陣凡人氣，大梵天王問曰：「今日因何有凡人俗氣？」尊者答曰：「今日下界大唐國內有僧玄奘僧行七人赴水晶齋，是致有俗人氣。」當時天王與羅漢曰：「此人三生出世，佛教俱全。」便請下界

法師玄奘陞座講經。請上水晶座，法師上之不得。羅漢曰：「凡俗肉身上之不得，請上沉香座。」一上便得。羅漢問曰：「今日謝師入宮，師善講經否？」玄奘曰：「是經講得，无經不講。」羅漢曰：「會講法華經？」玄奘：「此是小事。」當時五百尊者、大梵王、一千餘人，咸集聽經。玄奘一氣講說，如瓶注水，大開玄妙。衆皆稱讚不可思議。齋罷辭行，羅漢曰：「師曾兩迴往西天取經，爲佛法未全，常被深沙神作孽，損害性命。今日

幸赴此宮，可近前告知天王，乞示佛法前去。……得多難。」法師與猴行者，近前咨告請法。天王賜得「隱形帽」一事，金環錫杖一條，鉢盂一隻，三件齊全。領訖，法師告謝已了；回頭問猴行者曰：「如何下得人間？」行者曰：「未言下地；法師且更咨問天王，前程有魔難處，如何救用？」法師再近前告問。天王曰：「有難之處，遙指天宮大叫天王一聲，當有救用。」法師領指，遂乃拜辭。猴行者與師同辭五百羅漢，合會真

人。是時尊者一時送出，咸願法師取經早迴。尊者合掌頌曰：

水晶齋罷早迴還，展臂從風去不難。
要識弟兄生五百，昔曾行脚到人間。

法師詩曰：

東土衆生少佛因，一心迎請不逡巡。
天宮授賜三般法，前路摧魔作善珍。

入香山寺第四

迤邐登程，遇一座山，名號香山，是千手千眼菩薩之地。——又是文殊菩薩修行之所。舉頭見一寺額，號「香山之寺」。法師與猴行者不免進上寺門歇息。見門下左右金剛，精神猛烈，氣象生狞，古貌楞層，威風凜冽。法師一見，遍體汗流，寒毛卓豎。猴行者曰：「請我師入寺內巡賞一迴。」遂與行者同入殿內，寺中都无一人；只見古殿巍峩，芳草連絲，清風颯颯。法師思惟此中得恁寂寞！猴行者知師意思，

乃云：「我師莫訝西路寥寂。此中別是一天；前去路途盡是虎狼蛇兔之處，逢人不語，萬種恓惶。此去人烟都是邪法。」法師聞語，冷笑低頭，看遍周回，相邀便出。前行百里，猴行者曰：「我師前去地名蛇子國。」且見大地小蛇，交雜無數，攘亂紛紛。大地頭高丈，小蛇頭高八尺，怒眼如燈，張牙如劍，氣吐火光。法師一見，退步驚惶。猴行者曰：「我師不用驚惶。國名蛇子，有此衆蛇，大小差殊。且緣皆有佛性，

逢人不傷，見人不害。」法師曰：「若然如此，皆賴小師威力。」進步前行。大小蛇兒見法師七人前來，其蛇盡皆避路，閉目低頭，人過一無所傷。又行四十餘里，盡是蛇鄉。猴行者曰：「我師明日又過獅子林及樹人國。」法師曰：「未言別事；且得平安過了！」七人停息一時，汗流如雨。法師乃留詩曰：

行過蛇鄉數十里，清朝寂寞號香山。
前程更有多魔難，只爲衆生覓佛緣。

過獅子林及樹人國第五

早起，七人約行十里，猴行者啟我師，前去卽是獅子林。說由未了，便到獅子林，只見麒麟迅速，獅子崢嶸，擺尾搖頭，出林迎接，口銜香花，皆來供養。法師合掌向前，獅子舉頭送出，五十餘里，盡是麒麟。次行有到荒野之所，法師回謝獅王迎送。猴行者曰：「我師前去又是樹人國。」入到國中，盡是千年枯樹，萬載石頭，松柏如龍，頑石似虎。又見山中有一

村寺，並無僧行，只見林鷄似鳳，山犬如龍。門外有兩道金橋，橋下盡是金線水。又覩紅日西斜，都无旅店。猴行者曰：「但請前行，自然不用憂慮。」又行五十里，有一小屋，七人遂止宿于此。取早起來，七人嗟嘆：「夜來此處甚是蹊蹺！」遂令行者前去買菜做飯。主人曰：「此中人會妖法，宜早迴來。」法師由尙未信。小行者去買菜，一午不迴，法師曰：「煩惱我心！小行者出去買菜，一午不見迴來，莫是被此中人

妖法定也。』猴行者曰：『待我自去尋看如何？』法師曰：『甚好！甚好！』猴行者一去數里借問，見有一人家，魚舟繫樹，門掛蓑衣。然小行者被他作法，變作一個驢兒，吊在庭前；見猴行者來，非常叫喚。猴行者便問主人：『我小行者買菜從何去也？』主人曰：『今早有小行者到此，被我變作驢兒，見在此中。』猴行者當下怒發，却將主人家新婦，——年方二八，美貌過人，行動輕盈，西施難比。——被猴行者作法，化此

新婦作一束青草，放在驢子口伴。主人曰：『我新婦何處去也？』猴行者曰：『驢子口邊青草一束，便是你家新婦。』主人曰：『然！你也會邪法！我將爲無人會使此法。今告師兄，放還我家新婦。』猴行者曰：『你且放還我小行者。』主人喫水一口，驢子便成行者。猴行者喫水一口，青草化成新婦。猴行者曰：『我卽今有僧行七人，從此經過，不得妄有妖法。如敢故使妖術，須教你一門剗草除根。』主人近前拜謝：『豈敢有

違戰戰兢兢，乃成詩謝曰：

行者今朝到此時，偶將妖法變驢兒。

從今拱手阿羅漢，免使家門禍及之。

猴行者乃留詩云：

莫將妖法亂施呈，我見黃河九度清。

相次我師經此過，好將誠意至祇迎。

過長坑大蛇嶺處第六

行次至火類坳白虎精，前去遇一大坑，四門陡黑，

雷聲噦噦，進步不得。法師當把金環杖，遙指天宮，

大叫：「天王救難！」忽然杖上起五里毫光，射破長坑，

須臾便過。次入大蛇嶺，目見大蛇如龍，亦无傷人

之性。又火類坳下下望，見坳上有一具枯骨，長

四十餘里。法師問猴行者曰：「山頭白色枯骨一具

如雪？」猴行者曰：「此是明皇太子換骨之處。」法師聞

語，合掌頂禮而行。又忽遇一道野火達天，大生煙

焰，行去不得。遂將鉢盂一照，叫天王一聲，當下火

滅，七人便過此坳。欲……一半，猴行者曰：「我師曾知此嶺有白虎精否？」常作妖魅妖怪，以至喫人。師曰：「不知。」良久只見嶺後雲愁霧慘，雨細交霏，雲霧之中，有一白衣婦人，身掛白羅衣，腰繫白裙，手把白牡丹花一朵，面似白蓮，十指如玉。覩此妖姿，遂生疑悟。猴行者曰：「我師不用前去，定是妖精。待我向

前問他姓字。」猴行者一見，高聲便喝：「汝是何方妖怪，甚處精靈？久爲妖魅，何不速歸洞府？若是妖精，急便隱藏形跡；若是人間閨閣，立便通姓道名。更若躊躇不言，杵滅微塵粉碎！」白衣婦人見行者語言正惡，徐步向前，微微含笑，問師僧一行，往之何處？猴行者曰：「不要問我行途，只爲東土衆生。想汝是火類坳頭白虎精，必定是也！」婦人聞言，張口大叫一聲，忽然面皮裂皺，露爪張牙，擺尾搖頭，身長丈五。定醒之中，滿山都是白虎……猴行者將金鑽杖變作一個夜叉，頭點天，腳踏地，手把降魔杵，身

如藍靛青，髮似硃沙，口吐百丈火光。當時白虎精
哮吼近前相敵，被猴行者戰退。半時，遂問虎精甘
伏未伏？虎精曰：「未伏！」猴行者曰：「汝若未伏，看你肚
中有一个老獼猴！」虎精聞說，當下未伏。一叫獼猴，
獼猴在白虎精肚內應。遂教虎開口，吐出一个獼
猴，頓在面前，身長丈二，兩眼火光。白虎精又云：「我
未伏！」猴行者曰：「汝肚內更有一个！」再令開口，又吐
出一个，頓在面前。白虎精又曰：「未伏！」猴行者曰：「你
肚中无千万万个老獼猴，今日吐至來日，今月吐
至來月，今年吐至來年，今生吐至來生，也不盡。」白
虎精聞語，心生忿怒。被猴行者化一團大石，在肚
內漸漸會大。教虎精吐出，開口吐之不得；只見肚
皮裂破，七孔流血。喝起夜叉，渾門大殺，虎精大小，
粉骨塵碎，絕滅除蹤。僧行收法，歇息一時，欲進前
程，乃留詩曰：

火類坳頭白虎精，
渾羣除滅永安寧。

此時行者神通顯，保全僧行過大坑。

大唐三藏取經詩話上終

大唐三藏取經詩話中

入九龍池處第七

行次前過九龍池。猴行者曰：「我師看此是九條虺頭鼉龍，常會作孽，損人性命。我師不用怱怱。」忽見波瀾渺渺，白浪茫茫，千里烏江，萬重黑浪；只見虺龍哮吼，火鬣毫光，喊動前來。被猴行者「隱形帽」化作遮天陣；鉢盂盛却萬里之水；金環錫杖化作一條鐵龍。无日无夜，二邊相鬪。被猴行者騎定虺龍，